

续资质通鉴长编

續貴州通志卷之四

續資治通鑑長編卷四百六十六

宋 李燾 撰

哲宗

元祐六年九月丁亥樞密院言河東經略司奏報西夏
深入麟州府攻圍城壁詔本司丁甯誠勅麟府路軍馬
司宜謹重精審仍張大聲勢集兵應援務令敵兵早退
城寨無虞仍令范純粹審擇便利如可出兵卽依前詔
牽制策應舊錄云始議以先帝經畧西邊爲好大生事
遂棄城寨罷戍守厚禮以招來羌人意謂可
以息兵民卑辭厚幣無所不至貢使未還疆界未畫兵
已犯境矣時姦人在朝君道不立致使西人犯順內外
束手措置乖繆使彼得計如入無人之境大獲而歸誠
可忿惋新錄辨云上文是樞密院戒敕麟府路謹重精
審牽制策應等語未有敗事史臣云君道不立誣
謗太甚兼亦文意不倫合刪去前項九十八字

戊子鄜延路經略使范純粹奏準河東路經略安撫使

司牒閏八月二十六日西夏劫掠人戶麟府州賊馬不知萬數臣契勘押賜夏國主生日禮物及中冬時服使臣安倫劉程已到延安府依年例合於今月十一日以後過界及歲賜銀絹第一番合於今月二十五日過界緣西夏方舉兵犯河東其安倫劉程若並令依常例月日過界竊慮朝廷旣聞河東遭寇於今來遣使別有更改若便令安倫等更不過界又恐朝廷之意不以爲然緣日數已逼待報不及臣已面誠安倫等明用公文稱疾又備坐下保安軍移牒宥州去訖並乞速降指揮貼黃朝廷懷柔夏人含忍至矣而彼逆狀益甚今來令安倫託疾少遲數日只是姑爲遷延之名以待朝命而已其如遣使恩禮何伏乞朝廷稍存國體熟賜議論 又

臣看詳夏國今年之內大兵三舉猖狂已甚每行詰問
但言見今勘會陽若不知察其設心蓋外爲不闕貢奉
之名以利市販而不廢侵寇之實也必欲自此習以爲
常玩慢欺侮亦已極矣未遣押賜使臣過界雖止作經
畧司一面作遣觀近日宥州所回文牒詞意簡倨殊不
少屈若受彼簡倨之詞卽今押賜官執禮而往則恐朝
命太輕國體太弱兼賊知我意今後歲歲不妨舉兵犯
邊殘害生靈而朝廷遣使持禮皇皇不暇賜賚恩數一
毫不減恐非息兵安民之術伏乞朝廷洞照事機更爲
長久之計

純粹以九月
三日奏此

已丑詔以禁軍闕額米充兩浙上供

政目九月初
四日事當考

庚寅樞密院言西夏入寇麟府州未退詔河東路經略

司誠諭張若訥張大軍聲占據地利審度敵勢選募驍
勇敢死之士出奇逼逐或乘師老情歸之際擇利邀擊
禮部言臣僚上言國子監生員無叩問師資之益學
官不以訓導爲己任詔本部相度以聞今欲令生員遇
有請益許見長貳逐旬遇三日學諭出題內詩賦論許
於經史子通出集長諭解說歸齋告諭諸生次日早食
鼓前納旬終送博士點檢仍間召生員以所納齋課於
講堂上指諭委博士逐月遍巡所隸齋詢考學生所業
凡私試不鎖宿欲令不罷講說從之

臣僚上言蓋岑象求也前已見

右朝議大夫試大理卿韓晉卿卒贈絹百匹

晉卿贈絹百匹

據政目十四日事

辛卯詔六曹尙書曾任執政官者立班在六曹尙書之

上少前 禮部言應補外舍附私試大義曰願試詩賦者附第二場仍各爲號博士鑰宿自引試日後別限考校千人以上限止十日每少百人減一日人數雖少卽不得減過五日取文理通者爲合格長貳與考校彌封官同驗號折封注籍曉示仍申三省禮部從之

壬辰樞密院言夏人犯麟府州雖已遁去今據陝西沿邊奏報見各於並邊嘯聚竊恐復寇別路詔陝西河東逐路經略司如遇西夏入寇本路兵力不勝卽速令互行關報牽制策應及令逐路帥臣精心講究利害如何經畫措置密具方略以聞其麟府州界人常爲敵所殺掠燒蕩屋舍者令經略司人以老幼屋以多寡等第給賜錢絹或被焚毀糧斛蹂踐田苗亦隨宜賑濟

令帥臣精心講

究方略九月二十六日
范純粹奏可考

秦鳳路經略使呂大忠陳三策曰

夏國賴以爲生者河南膏腴之地東則橫山西則天都

馬銜山一帶其餘多不堪耕牧若於熙河路相近定西

城北石峽子外秦鳳路相近淺井涇原路相近沒煙峽

口各置一大寨

鄭延環慶兩路利害不
甚詳悉乞下逐處相度

羌情戀土憚於

遷徙必皆歸順就而撫之便爲籬落更不消外設亭障

兼有山林所阻沙漠爲限中國爲援彼旣失此地利當

自困弱他日雖欲猖狂不可得也此爲上策竊聞疆議

朝廷元降指揮依慶厯五年誓詔以見今漢蕃人戶住

兩界中間爲定分畫此爲中策一蘭州通遠軍地界若

依范育所奏此爲下策臣愚竊謂朝廷必欲展置版築

未審果出何策此計先定卽度工聚材使之畢具然後

勒熙河秦鳳之兵約日分行討蕩併力興修軍回亦須
稍見次第仍令不住更互倏往忽來淺攻近掠西人必
不敢近寨歲月之間吾事濟矣上策聞諸士論亦先帝
之志失于垂成其次中策自當執而行之朝廷急于講
和俄復中變於僅存者惟下有策議猶未決遂使西人
窺測累年入寇邊鄙侵侮無厭意謂朝廷憚於用兵所
求必如所欲而已今既絕其歲賜兼諸路兵勢足以枝
梧乃是宗廟社稷之靈陰有輔相已行姑息之命救而
正之幾不可失此其時也前日所請必從蓋欲邊隙早
平今既不可包容明與之絕
凡事當一西夏每有大舉動經累月蓋人人自備其費
正以理若諸路則悉從官給號令一出無敢後者只以飢飽勞
逸難易校之已能屈敵奈何惴惴然惟恐其來乃是帥

臣習而不察未嘗爲朝廷深計欲乞今後將歲賜錢物
分賜諸路添助邊計每遇防春防秋不以有無探報常
令移兵並塞欵而致之但使來無所得常爲固守清野
之計去有所防吾兵在境勿忘戒心蠢爾小羌必厭點
集三二年間其勢自困茲坐勝之策也上策守而不戰
謂限以沙漠西人無水草嘯聚之地中策守而或戰謂
漢蕃住坐相遠舉動稍難下策守而常戰謂此彼倏忽
往來不可以相及中策下策既有戰計須立報寨之法
然後可以保民前日疆事欲速此策猶或難之今來遠
謀故以爲下

據大忠奏議答密劄所問卽此月七日王
辰所書也梁燾行狀云熙河請築努扎等
堡寨邊臣謂漢先據則勝秦鳳帥又請爲結珠納迷堡
樞密院謂先治秦鳳其熙河所修皆西人必爭之地未
可築也燾曰治邊所以制伏夷狄當先其所急而後其
所緩今乃先秦鳳而後熙河是緩其所當急制勝之所

必據要害以取形勢西人犯順數侵邊境正當治築非
無事時也此不可失之機會無可疑者遂下諸路更不
用己前畫定地界各據要害去處乘時修築按行狀所
稱秦鳳帥不知謂誰族考台附此於明年六月九日後
或二月二日環慶路經略使章棻六年九月十四日奏

時臣勘會備邊之策守禦並施朝廷已赦西夏宿愆許

其悔過復給歲賜又還其四寨土地以厭貪婪之心歲
許遣使奉貢錫予甚厚自通使以來累歲以分畫疆界
爲請求索無已朝廷皆委曲含忍俾與疆吏計議天地
之仁可謂至矣而乃負背恩信悖慢愈深輒興師旅侵
犯邊境苟縱而不問異時必爲大害今日朝廷行遣正
中機會消姦破賊之策固無逃于宸衷也聖心退託乃
咨詢於乘塞之臣區區愚闇敢不自竭臣竊謂羌戎爲
孽久矣白慶麻以來前後人寇非舉國之衆不能深入

今者自八月聚兵境上凡四五十日其衆始集初欲寇
鄜延環慶一夕忽趨麟府捨近取遠必有意謂益疑兩
路之兵亦聚故分其半以寇河東然則朝廷著牽制之
令最爲得策又惟夷狄之小邦土地有限人民有數自
今夏涉秋凡舉全國之師其衆可謂勞矣不能無怨其
力亦已屈矣不能無困以勞屈之衆而當聖朝仁義之
兵雖不戰可以待其自斃也爲今之計宜敕戒諸路休
養兵民修嚴警備事事整辦毋妄作輕舉蕃寇小人使
城砦及諸將各據地分驅逐翦除之出疆而後已舉國
入寇則堅壁清野勿當其鋒俟其引退審察前軍已遠
遣將據要害便利之處分頭討擊之或翦其尾或邀其
歸路一路被寇諸路皆出兵策應牽制彼豈能枝梧哉

此備禦之策未足以深害之也夫夷狄無城郭之固無
營衛之兵嘯聚則爲用旣散則難集雖沿邊有土番守
禦之人每處衆不滿百謂宜乘間擣虛擾耕踐稼勿限
其常爲淺攻之計皆付之逐路帥臣審度而爲之或遣
兩將已上悉任其施設不必全用正兵蕃漢弓箭手最
爲可任益之以選募土兵參雜於蕃兵之間所得人口
孳畜錢財皆差等分給出塞之人如此則人人樂爲之
用諸路之師更出迭入虜亦不能知其時則近塞三百
里之賊境旣不能爲生又不能自存彼賊不困未之有
也行此之策不二三歲必束手歸命徐察其誠懇苟非
詐僞然後許之納款稱臣反復思之無踰此策伏乞朝
廷更賜詳酌指揮

郵延范純粹奏
在二十六日

戶部請河東路助

軍糧草支移不過三百里若非時急闕亦聽相度展那
仍不得過二百里本戶災傷五分以上仍免折變從之
癸巳御集英殿試制科舉人

乙未河東路都轉運使言本司先乞應係本司已差應
副軍期官員逐司如敢占畱及別差官替換並乞科違
制之罪不以去官赦降原減今看詳顯是太重乞行刪
去從之

丁酉三省言御試應賢良方正能直言極諫科制策左
宣德郎新知瀘州合江縣事王普初考第四等次覆考
第四等詳定從覆考河中府司理參軍司馬標初考第
五等覆考第四等次詳定從初考眉山縣布衣王
當初考第五等覆考不入等詳定從初考詔王普遷一

官除僉判差遣司馬樞特賜同進士出身堂除初等職
官王當堂除簿尉先是祕書省考試制科所考校到等
第字號詔普等御試至是推恩 詔自元祐六年每歲
於內藏庫支緡錢五十萬或以綢絹金銀相兼支兌赴
元豐庫椿管補助沿邊軍須等支費

戊戌吏部言諸小使臣病假不滿百日痊安應赴朝參
見釐務者經所屬餘經吏部投狀具元在假月日關牒
閣門從之

己亥御史中丞鄭雍言元祐復差役法于茲六七年戶
部未嘗一日無申請更改乞朝廷先自一路詳擇監司
知州各一二人召詣三省令親受朝旨先從一二州召
諸縣令長各採民間役法利害與監司長吏參議各爲

一州一縣之法

乃舊錄云時行差役然雇役猶方圓不同

辨云上文是中丞鄭雍云元祐復差役法于茲六七年

戶部未嘗一日無申請乞詳擇監司知州議立一州一

縣之法史臣指為遂非遷就乃譏

辛丑詔應在京文武臣僚有三代見有女在室者并供

具家狀戶部請使臣人員押鹽糧綱沈失少欠該衝

替者赦降去官不免從之

政日十六日朱光庭繳王鞏

八月六日記淮南提刑鍾浚體量王鞏事云有實狀送

鞏供析是與不是詣實此旨用孫賁例也摯謂鞏不幸

知竟作何行遣今又為光庭所繳也

癸卯龍圖閣待制權禮部尚書梁燾為翰林學士中書

舍人韓川為吏部侍郎給事中兼侍講范祖禹為禮部

侍郎按前月二十七日刑部侍郎彭汝礪執奏刑名後

為侍郎六日改禮部侍郎今汝礪猶在禮部更除范祖禹

二十一日汝礪改吏部又除韓川禮部時祖禹在禮部

如故至明年六月十六日乃遷內翰林先祖禹五日出知潁州後祖禹兩日始除曾肇於是禮部侍郎止一人

當考 祕書監直祕閣王欽臣爲工部侍郎 寶文閣待

制河北路都轉運使蔣之奇爲刑部侍郎 中書舍人

孫升言之奇昔爲御史以陰私事中傷所舉之人歐陽

脩不當擢用從之尋命之奇知瀛州 孫升言之奇在二十二年并書

詔神宗皇帝御製近已成書令本所將邊機四十卷

先次進樞密院令機要庫掌之 刑部言蕃官授使臣

若部轄蕃族甯靜不致引惹及無科率擾擾候及七年

三班差使借差殿侍及十二年無過犯與磨勘如犯上

條合計贓私公罪比展年法加一倍展年事理重者奏

裁從之

甲辰幸上清儲祥宮